

Forfatter: Helgesen, Poul

Titel: Udrag fra Chronicon Skibyense

Citation: Helgesen, Poul: "Skrifter af Paulus Helie 6. Bind / ved Marius Kristensen og Hans Ræder. - 1937 Udgivet af Det Danske Sprog- og Litteraturselskab", i Helgesen, Poul: *Skrifter af Paulus Helie 6. Bind / ved Marius Kristensen og Hans Ræder. - 1937 Udgivet af Det Danske Sprog- og Litteraturselskab*, 1932-1948, s. 74. Onlineudgave fra Arkiv for Dansk Litteratur: <https://tekster.kb.dk/catalog/adl-texts-helg06val2-shoot-idm140415585050896/facsimile.pdf> (tilgået 25. april 2024)

Anvendt udgave: *Skrifter af Paulus Helie 6. Bind / ved Marius Kristensen og Hans Ræder. - 1937 Udgivet af Det Danske Sprog- og Litteraturselskab*

Eodem anno, mense Iulio obiit Reuerendus pater sacre theologie doctor, magister Martinus Petri Nestuediensis carmelita, proximo anno sequenti postea quam fuerat a prioratu conuentus Assensis destitutus. Fuerat namque duorum conuentuum prior 5 insignis ac ualde uenerabilis, Landiscronensis ac noui conuentus Assensis primus prior, in quibus uite merito ac erudicionis exemplo multis fuerat pietatis occasio. Nam ut de multis donis taceatur, quibus illum ornauerat diuina benignitas, uno predicationis 10 dono ita excelluit, ut suo seculo in Dania parem non haberet. A puero item tam innocenter tamque candide uixerat, ut nemo aliquam de illo habuerit sinistrae opinionis suspicionem. Porro cum natura esset melancolicus adeoque tetricus et seuerus, affabilitas 15 morumque suauitas in illo a pluribus sunt desiderata.

Ioannis
scribe
perditio.

Anno domini .1516. suspensus est ob furti suspicionem quidam Ioannes scriba, regi Christierno olim charissimus, qui cum nimia libertate sua, ac 35 uana regij fauoris presumptione, multos offenderet, 20 precipue uero Torbernum Oxe arcis Haffnensis prefectum, regis concubine, nomine Columba, uehementer charum, eiusdem concubine odio periclitatus est, in profesto diui Martini, quod cum rescuisset in opido Helsingørensi constituta, dixisse fer- 25 tur singultiens ac tunso pectore, Huic suspendio ualde sum cooperata, ignoscat michi diuina clementia. Erat autem iste Ioannes homo blasphemus in deum. Nam semel adeo insaniebat uindictae cupiditate, ut optaret, se deum esse, quo liceret in gehennam perdere unumquempiam hostium suorum. 30 Deinde calumnie morbo ita erat obnoxius, ut illius

delationibus multi periissent, nisi fuissent diuina
prouidentia seruati. Merito igitur in eum laqueum
incidit, quem multis parauerat. Itaque cum ducere-
tur a carnifice laqueo perdendus, ex calumniatore et
5 blasphemo factus contionator insignis, suadebat
adolescentibus, ut semper meminerint huius senten-
tie propheticæ, Nolite confidere in principibus, neque
in filiis hominum, in quibus non est salus. |

36 Anno domini .1517. Missus est in Datiam a Leone
10 decimo pontifice maximo D. Angelus Arcimboldus,
qui nimio potestatis sue ac commissionis abusu dedit
occasionem ipsi Lutheranismò, nunc per Germani-
am grassanti aliasque finitimas regiones. Olim uenie-
bant legationes ex urbe Rhoma, que plurimum ha-
15 bebant edificationis, fructus ac utilitatis, aut ad pie-
tatem promouendam, Christianeque religionis sacra-
menta propaganda, aut etiam ad fidei dogmata con-
firmanda, heresesque extirpandas. Verum hec cum
paucis superioribus, inuersis rerum uicibus, adeo
20 fuit scandalosa, ut omnem pietatem ac religionem
mera licentia extinxerit, eo quod inciderat in Com-
missarios, luxu, fastu, ambitione, libidine, volup-
tate, aliisque innumeris uiciis perditissimos, quorum
culpa factum est, ut sancta illa Romana ecclesia to-
25 cius orbis magistra, olim sanctissimis uiris eximia,
nunc male audiat per multas orbis nationes, uoce-
turque infamis Babylonia, que olim habita est Chri-
stiane religionis precipua mater, rectrix et guber-
natrix. |

Arcimboldus in Dani-
am legatus
mittitur.

37 Eodem anno mortua est Columba Christierni regis
concupina, cuius morte ab impiissimo crudelissi-
moque principe quesita est ansa perdendi multos,

Moritur
regis concu-
pina.